



Tuzla, 09.10.2023.
Br. protokola: KP-I-475/23

CILJEVI I KRITERIJI ZA DODJELU GRANTOVA U OKVIRU FONDA MENSUR I JASMINA ALIĆ

Fond Mensur i Jasmina Alić je otvoren u okviru Programa za razvoj filantropije, od strane osnivača Fonda koji su odlučili da svoje finansijske i druge resurse udruže sa naporima aktivista koji svojim volonterskim radom i zalaganjem doprinose razvoju društva i lokalnih zajednica u kojima žive. U sklopu ovog Fonda posebno važan segment daje se organiziranju građana i mladih u ugroženim rubnim naseljima i mjesnim zajednicama, čije ideje i inicijative za poboljšanje uslova življenja podržavamo kroz ovaj Fond.

CILJEVI FONDA

Osnovni cilj Fonda je unapređenje i razvoj aktivnih zajednica na području Grada Tuzla, kroz sufinansiranje projekata i inicijativa aktivnih građanskih grupa i udruženja građana za rješavanje zajedničkih problema, uz maksimalno korištenje svih raspoloživih lokalnih resursa i promociju suradnje između javnog, civilnog i poslovnog sektora.

PODRUČJE DJELOVANJA

Sredstva iz ovog fonda će biti usmjerena na podršku društveno korisnim inicijativama i malim projektima u naseljima i mjesnim zajednicama Grada Tuzla.

KO MOŽE APLICIRATI?

- nezavisne organizacije i udruženja sa područja Grada Tuzla;
- nezavisne javne institucije sa područja Grada Tuzla (biblioteke, obdaništa, škole itd);
- neformalne grupe građana od najmanje 3 punoljetna člana sa područja Grada Tuzla

ŠTA PODRŽAVAMO?

Inovativne projekte iz različitih područja društvenog života koji odgovaraju na potrebe lokalne zajednice i kojim se direktno unapređuju uslovi življenja mladih. U okviru ovog Fonda, želimo podržati projekte koji potiču inovativna međusektoralna partnerstva i koji će unaprijediti sljedeće oblasti življenja:

- **Očuvanje prirode, briga o okolišu i klimi** Želimo da podržimo inicijative koje su usmjerene na brigu o okolišu i koje podstiču odgovoran odnos prema prirodi, brinu o čistoći vode, zemlje i zraka. Dobrodošli su projekti za unapređenje kulture zdravog življenja kroz sprječavanje onečišćenja okoliša, recikliranja, održivog korištenja javnih površina i prirodnih resursa.
- **Očuvanje zdravlja, sport i rekreacija**

Podržavamo aktivnosti za mlade, djecu i porodicu, takmičenja i male turnire, između kvartova i lokalnih zajednica, promocije zdravog načina života i omasovljavanje rekreativnog sporta među djecom i mladima.



Prednost će se dati inovativnim idejama koje će promovirati rekreativni sport, što **ne podrazumjeva** podršku trenažnom procesu profesionalnih sportskih klubova i njihovih omladinskih pogona.

- **Kultura, umjetnost i društveni život**

Podržavamo kulturna dešavanja, izložbe, festivale, koncerte, umjetničke predstave, tematske večeri i slično.

Projekti mogu biti i iz drugih oblasti, pri čemu prethodno navedene imaju prednost.

OPŠTI KRITERIJI

- Projekti trebaju biti usmjereni na rješavanje konkretnog i prioritetnog problema u lokalnoj zajednici ili zadovoljenje određene potrebe u zajednici;
- Projekti treba da budu zasnovani na volonterskom angažmanu aplikanta i promociji međusektoralne saradnje;
- **Prednost će se dati projektima koji uključuju veći broj građana iz lokalne zajednice u realizaciju projekta;**
- Neformalne grupe moraju imenovati 3 punoljetne osobe koje će preuzeti punu odgovornost za realizaciju projekta;
- Vrijednost podrške po jednom projektu može biti u rasponu od **1.000,00 KM do 5.000,00 KM**
- Projekti mogu trajati od **od 1 do 9 mjeseci;**
- Projekti moraju biti implementirani u periodu od decembra 2023. do 31. augusta 2024. godine, bez mogućnosti produžetka za utrošak sredstava ili završetak projektnih aktivnosti.
- Projekti treba da imaju dugoročan efekat u lokalnoj zajednici i dobru šansu da postanu samoodrživi i nakon završetka projekta (početak projekta podrazumijeva datum potpisivanja ugovora, a projekat se završava kada se dostave završni narativni i finansijski izvještaji);
- **Projekti treba da pokažu vidljivu saradnju i podršku lokalnih partnera u zajednici (posebno lokalnih vlasti, ali i poslovnih subjekata, udruženja, pojedinaca, javnih institucija itd.). Poželjno je da aplikanti dostave potvrdu da će općina/grad i/ili drugi akteri sudjelovati u realizaciju projekta.**
- **Aplikanti mogu aplicirati samo sa jednim projektom na ovaj poziv;**
- **Učešće aplikanta mora iznositi najmanje 50% od potraživanog iznosa,** što podrazumjeva jasno iskazano učešće aplikanta u finansiranju projekta, u vidu uloženog novca ili uloženog volonterskog rada ili donirane robe, alata, opreme ili usluga bilo od strane aplikanta ili drugih lokalnih donatora. Vrijednost volonterskog rada i donacija u robi mora biti izražena u novčanim jedinicama i jasno opisana u aplikaciji;
- Ne dodjeljujemo drugu donaciju za isti projekat u slučaju da je projekat već podržan kroz ovaj Fond.
- Daje se prednost manjim organizacijama i aplikantima koji nikad nisu dobili grant od Fondacije.
- Aplikanti koji nisu završili i izvijestili realizaciju prethodno podržanog granta, ne mogu dobiti podršku.

ŠTA NE MOŽEMO PODRŽATI?

Projekat se neće podržati ako se radi o sljedećim slučajevima:

- lične koristi pojedinca;
- otplate dugova ili kredita;
- za projekte koji su već odrađeni ili se radi o retroaktivnim zahtjevima;
- godišnje finansiranje rada udruženja/grupe;



- isključivo troškove putovanja, smještaja, putarine, ekskurzija;
- troškove učešća na edukacijama za pojedince ili članove udruženja;
- isključivu nabavku opreme ili materijala, osim u slučajevima kada se projekat ne može realizovati bez određene opreme/materijala (neformalne grupe koje kroz projekat nabave opremu dužne su svu kupljenu opremu donirati lokalnoj organizaciji ili instituciji po završetku projekta);
- troškovi projekta ne mogu uključivati najam opreme od neregistrovane kompanije ili od strane fizičkih lica;
- organizacijske troškove čije potraživanje prelazi 20% vrijednosti traženog granta u slučaju kada je aplikant organizacija (Organizacijski troškovi podrazumijevaju naknadu za usluge koordiniranja projekta, troškove prevoza i druge režijske troškove koji glase na ime organizacije);
- troškove prevoza, goriva, telefona i troškove projektnog osoblja u slučaju kada je aplikant neformalna grupa ne možemo podržati, (Izuzetak je prevoz u slučaju da se radi o angažmanu prevoznika za realizaciju određene projektne aktivnosti);
- ne možemo podržati troškove rentanja vozila za prevoz;
- ne podržavamo projekte koji na bilo koji način štete okolišu, te u skladu s tim želimo skrenuti pažnju aplikantima da u realizaciji projektnih prijedloga vode računa da koriste biorazgradive materijale koji ne predstavljaju opasnost za okoliš i živi svijet;
- dodjele humanitarne pomoći ili dodjele donacije drugima kroz podržani projekat;
- ne možemo podržati regranting;
- ako je iznos vlastitog učešća u projektu, uključujući i volonterski rad manji od 50% u odnosu na vrijednost tražene donacije od strane Fondacije;
- za nabavku osnovnih sredstava rada;
- magistarske i doktorske radove;
- za nabavku oružja (u bilo kojem obliku, bez obzira da li se radi o sportsko/rekreativnom, replikama i sli.)
- za projekte koji su primarno za unapređenje religije i politike;
- projekte političkih partija ili njihovih ogranaka;
- projekte vjerskih institucija ili organizacija;
- zahtjeve za sponzoriranje, reklamiranje, podrška događajima za namicanje sredstava i velike zahtjeve za sredstvima;
- redovne trenажne procese sportskih klubova i/ili putovanja;
- kotizacije i troškove takmičenja u ligama;
- plaćanje isključivo honorara za trenere ili druge osobe angažovane po projektu;
- projekte koji su primarno usmjereni na ostvarivanje profita;
- projekte koji promovišu nasilje, mržnju ili bilo koji vid diskriminacije;
- projekte koji u svojim aktivnostima imaju uređenja i renoviranja spomen obilježja, groblja i mezarja;
- kupovine alkoholnih pića;
- projekte koji traju duže od devet (9) mjeseci;
- projekte koji se realizuju izvan Grada Tuzla.

KAKO APLICIRATI?

- Savjetujemo vam da unaprijed promislite o vašoj aplikaciji, te budete slobodni kontaktirati osoblje Fondacije ukoliko vam je potrebna podrška prilikom razrade ideje i/ili ispunjavanju online aplikacije na broj telefona 035 368-387, kontakt osoba ispred Fondacije je Andrijana Čajić, ili putem e-mail-a: inicijative@fondacijatz.org sa naznakom „Fond Mensur i Jasmina Alić“.



- Projektne aktivnosti možete planirati najranije 30 dana od zatvaranja roka poziva, jer će Komisija za odabir projekata donijeti odluku u periodu od maksimalno 30 dana nakon zatvaranja svakog aplikacionog kruga;
- **Projektni prijedlog se dostavlja popunjavanjem [online aplikacije](#) koja se nalazi na web stranici Fondacije tuzlanske zajednice;**
- Potpisanu i ovjerenu dokumentaciju treba dostaviti poštom ili lično u kancelariju Fondacije tuzlanske zajednice, na adresu: Sead Bega Kulovića br 4, 75000-Tuzla sa naznakom „**Fond Mensur i Jasmina Alić- JAVNI POZIV 12-FMJA-1/2023**“, u roku od 7 dana nakon potvrde grant tima da je zaprimljena elektronska verzija aplikacije;
- Registrovana udruženja trebaju **dostaviti rješenje o registraciji - samo za aplikante koji prvi puta apliciraju Fondaciji (kopija), statut Udruženja - samo za aplikante koji prvi puta apliciraju Fondaciji (kopija), finansijski izvještaj za prethodnu godinu (bilans stanja i bilans uspjeha-kopija), dokaz o otvorenom žiro računu u banci (kopija), i potpisanu i ovjerenu izjavu o partnerstvu, ako se radi o partnerskim projektima;**
- **Ukoliko se projekat realizuje u školi ili drugoj odgojno obrazovnoj ili javnoj ustanovi, aplikant je obavezan dostaviti odobrenje odgovornog lica za provedbu projekta u toj ustanovi;**

KRITERIJI ZA OCJENU PROJEKATA

Komisija će prilikom procjene projektne prijedloge ocjenjivati po sljedećim kriterijima:

- Kvalitet ideje u odnosu na ciljeve, svrhu i vrijednosti koje se promovišu kroz Fond (20 bodova)
- Usklađenost budžeta sa predloženim aktivnostima (20 bodova)
- Dokaz o potrebi zajednice za predloženim projektom (20 bodova)
- Sposobnost aplikanta da realizuje projekat, organizuje i mobilizira građane (20 bodova)
- Dugoročna održivost i efekti projekta za građansku grupu/udruženje i cijelu zajednicu (20 bodova).

Svi aplikanti će biti pismeno obaviješteni o odluci Komisije, bez obzira da li je odobrena podrška ili ne; Neformalne grupe koje dobiju podršku svoj projekat će realizovati na način da će dobiti in-kind finansiranje projekta, koje podrazumijeva da će sve troškove nastale u toku trajanja projekta plaćati direktno Fondacija, a dužnost neformalne grupe je da pripremi predračune i račune te iste dostavi Fondaciji; Po finalnom odabiru projekata, i objavljivanju rezultata na web stranici Fondacije bit će otvoren rok za prigovore u trajanju od 7 radnih dana. Pravo na prigovor imaju svi sudionici na objavljenom pozivu koji iz određenih razloga nisu zadovoljni svojom pozicijom na rang listi odobrenih grantova.


POTPISIVANJE UGOVORA SA ODABRANIM APLIKANTIMA

Aplikanti čiji projekti budu odabrani za podršku će potpisati Ugovor o dodjeli granta sa Fondacijom tuzlanske zajednice i tako postati korisnici grant sredstava.

Navedeni kriteriji su usklađeni sa Strateškim planom 2020-2024 Fondacije tuzlanske zajednice i zahtjevima donatora Fonda.

U Tuzli, 09.10.2023.




Jasna Jašarević
Direktorica